

書

林

外

集

書林外集敘

菊邨袁先生書林外藁若干卷五七
言古律絕句若干首老氣健辭雄壯
典雅不雕不琢出乎自然誠一代傑
作不可多得夫自孔子刪詩之後有
足羽翼乎三百篇者漢魏蘇李曹劉
諸君子而已沈謝而下不足論也逮
至李唐變古為律而擅名當時者若
高適岑參之流不可勝數而千載之

下獨稱李杜焉讀其詩粲然星漢之
昭回而蔚然煙雲之出沒巍乎嵩華
之屹立而浩乎江海之沛然蓋由其
天資高邁學問充實故其所發不自
知造乎其極也先生學通五經博極
群書仕心為鄉縣學官陞鄮山書院
山長再陞翰林國史檢閱其為人慷
慨剴正議論宏偉而又輔之以學問
之功宜其制作之盛炳蔚浩汗直欲

追蹤乎古之人也韓子謂本之大者
末必茂膏之沃者光必燁仁義之人
其言藹如夫豈不信

國朝永樂初先生令子廷玉以

翊運功授太常寺丞歿贈少卿廷珪

由紀善陞禮科給事孫忠徹繼為尚

寶少卿功業烜赫皆以詩名于時又

以見先生家學之有傳而繼述之不

乏也先生鄞人諱士元字彥章菊邨

其號也是為敘

正統三年戊午秋七月初吉朝列大
夫國子祭酒同郡後學陳敬宗謹書

書林外集目錄

卷之一

四言古詩

仁政堂為鄞尹許具瞻作

五言古詩

和史信叟觀時文有感

復用信叟前韻

送張路教二首

和薛思誠韻二首

和元善郎中韻

和樊天民

和呂畱齋

用畱齋韻和鄭以文

謝廣東都元帥金子文惠物

贈張司丞

贈陳知事如淵齋

贈縣監催夏稅有法得益字

贈朱典史

贈縣監分韻得辨字

送龐司令調安慶路錄事

送鄧博士

又與朱典史

又上縣監

徵糧歎

與邵密岩索蘭

和樊天民謝金景淵環池飲

上鄧尹許公具瞻

五言律詩

題江村秋晚圖

題慈隱庵

題畫犬

題蘭水仙梅竹

和韓季常記夢吟二首

和傅彥方張孟裕席上吟二首

和元善郎中五首
和松石齋寒食客中

和元善郎中解朝
和處州柳錄事

送泉州盧府判封伯歸

送徐生同師陳象賢歸剡源

送張月卿二首
送秉彝

簡雲溪朋復心講主
簡監郡子元善公

簡樓伯容
過大田菴

呈許具瞻縣尹

戲王君祥

寄元善省郎

魯師得之公病後累訪不值

有感

北門團結具子美

五言長律

挽撫州危德祥先生

上帖木烈思治書侍御史

送馬易之

卷之二

七言古詩

贈雲岡總管

送張月卿鄞庠教滿

送帥掾張景孟弟以路吏歸嘉禾

送徐元帝踏槐歸杭送浙東左元帥

送信孚中住龍翔寺和劉德彝海棠

和邵彥方招山行 金景淵祈雨有驗

餞三寶住元帥

館大隱平山堂呈雲溪寺復心講主

和呂嗇齋見寄韻勸學

祈雨有應與宋尹 聞海寇有作

米貴

七言長律

喜雨

送樓仲仁小溪巡檢

卷之三

七言律詩

題大瀛海道院

題城西書舍次韻

題心隱齋像

題完監郡子民瞻北岩卷

題山野道人海上集

題雲溪寺

題項菴

題西山傳菴

和郁敬脩清明見懷

醉題半間齋壁

贈張性成住紫虛觀

贈史繼可入道

贈耕天民歸象山

贈半間金氏

贈安慶宣差宋德明

贈史誠道

贈史信叟

贈白致遠

贈余運副

贈看山張宜之歸越

贈湖心地謙山上人

送李叔易郎中之閩二首

次韻送金子文遊嶺南送王伯賢歸雲中二首

送梁叔誠伴讀歸京送鄞尹任旭承直

送僧潤玉崖歸山

送杜洲書院頤山長任滿

送屠近仁赴臨海教

送謝德清之永嘉府史

送方巡檢歸里成姻

送僧日山歸寺

送崇養吾游四明 送台州孫子章事親

送沙李丁平章八首 送吳伯容之吳興

送鄭道士之燕 送軍掾張克誠葬親

和松石舍人秋夜 和卓宜之寒食

和江亭納涼 和樊天民述懷

和別館環池 和趙子和觀禮不至

和嵯縣梁公輔二首 和表叔胡繼善述懷

後用前韻勉表弟 和王行可早春山行

和表叔胡繼善教滿 和不模楷自述

和徐華之述懷 和莫季良滄洲有感

和鄞尹陳借韻自述
和鄞縣陳尹韻

和鄰友九日見邀
和李對易照磨夜直

和路掾高鵬飛
和雪韻

和春雪吟
和蓬處士述懷

和元善郎中
和曹南吳主一見贈詩

和樵山監郡題天井寺
和王得淵題蜜岩

卷之四

七言律詩

和邵彥方招子陸德陽柴養吾諸公韻

和溫州張天秩先生
和元善舍人韻自述

和胡四叔韻

和天民

和僧中巖題東隱菴和王從素感時

壽鍾氏寫容

壽楊夫人

送張月卿四首

和松石舍人秋夜不寐

簡金景淵營呂鍊師壽箴

題范氏幽居次韻

和奉化夏氏幽居

和劉德彝病中傷春

和大章珪上人見寄

和綺無文上人吟

和高嘯雲述懷

壽菊友鄉長

錢養元請雨有感

題孫如心為宮教沒

壽呂瀛海

寓鄰館

代族土邑宰

和汪謙之鄞庠借宿 上劉太守索俸

挽錢宗道

贈史信叟

挽清河郡張孺人

大隱洪君瑞歿簡復講主鍊性存

郡監請雨

松石齋携遊東湖聞警

蒙泉高錢月夜見訪 望春山送吳孟倫

水村晚霽

迎劉君忠佑武烈公

訪金子章心源詠師不值

大隱醉中題

述懷寄替齋

順菴真人

呈憲使

樊寓齋劉子明寓天寧寺

次韻

病中謝陳廓架閣

樊寓齋請龍過青山

天台周明道北上

寄危應奉併謝書問

浙使王公持香至明攝祭天妃

贈同知高麗人

贈高推官

和黃葵

寄金子文

寄卓宜之山長

壽菊友

懷倚雲公

和城南書舍呈倚雲

謝蓬隱餽餘分餉
李杜騎驢圖

雨中端午

卷之五

七言律詩

上劉天爵太守
上索僉憲

上推官何德孚
上陳縣尹以省太醫起

上董憲副搏霄
簡潘永中約遊雲濤觀

簡樊天民
簡高抗雲史信叟

簡雲溪上人
寄陳公緒

寄小溪周復禮
寄月湖

寄友

寄僧闡大猷

寄松石公

戊寅正月二十日大風

秋日有感

復館東湖

辭金氏館

寒食過東錢湖

癸卯元日至人日喜晴謝諸友賀歲

元夕

公委義庄履畝呈郡監

臘日訪邵彥方昆季

過桃源宿史菊坡書齋

重午感懷呈監郡

夢先師靜山蔣先生

宿金子亭書樓

九日有感

丙申歲

中秋招友人酌

四月八日會飲

仲春望後餞飲

早春簡王舜賓

自述

簡危檢討太朴

懷樊寓齋

挽楷上人

挽金君茂

挽韓天錫

雪中二首

雪意

雪中有感

梅影

蒲萄月

望鴈不至

詠金溪流水

新塘

代壽祖

代父求帛

代何生和櫟社

謝銘上人

謝金子文惠竹布端硯

謝樊先生偕友見訪

校藝回錢塘喜晴

罷舉

簡仲容范君

過舊館

張性成爭住紫虛觀

戲簡心隱半閑

辭金氏舊館

謁梅坡不值

呈史信叟

宿禪寂寺

哀張景陽升

呈縣監

呈錢可竹禱雨有感

石蘭都事

賀左元帥

董副使

鄭以文至

埜堂太守

卷之六

歌行

布衣歌

祈雨有感

和姑惡二首

和王祥麟韻

錢可竹祈雨有感

簡兄

東湖醉中歌

題龍虎

送龍泉尉

呈郡監

長相思

和友人寓懷二首

和蓬隱

青山祈雨行

和大章雪裏送詩 無題

勉諸生夜讀呈東屏陳架閣

卷之七

絕句

題寒江獨釣

題王衡泉像

題水西軒

和危太朴紫清觀韻

寒江漁叟

和袁太初遊寶華寺

和卓宜之

和樊天民

上胡路教

上陳架閣

過高錢

過李氏墳

簡陳照磨九首

再用前韻九首

寄柯儼思

雨中遣懷

喜胡生歸

蕭山驛四首

海棠

謔錢輔三

遊寶華

索墨

客中

懷舊館

寄友

贈蔡元會

東湖夜歸

雙松

簡樓倚雲

社日

夏日山居

夢楷上人

晚涼

聞彈鶴

暮秋

冬日山行

暮雨

夏雲

新秋

夜坐

愛日

秋旱

秋虹

七夕

秋容

喜雨

秋鷺

歸鴈

歸燕

鱸

螢燈

土牛

秃筆

磨劍

東津橋

天封塔

鎮明嶺

牧童

凌霄花

臘梅

槐花

蘭花

孤梅

橙

瑞香

愛菊

木犀

蓮房

雞冠花

芡

蘭水仙梅竹

水仙

枯椿鳳仙花

詞

壽范竹友老鄉長

壽倚雲樓公

壽朶羅五元帥

餞帥閩張仲淵

餞李州判鄧縣攝政歸

贈張居仁獲賊有功賜三界巡檢

陳架閣孟藕間歲復開

書林外集目錄

書林外集卷之一

四言古詩

仁政堂為鄞尹許具瞻作

維明有邑其冠曰鄞文物攸萃民俗斯淳昔王文公
寔宰斯邑鳴琴而治世莫之及後乎千載德音孰嗣
周翰氏阮彼善於此化絃荐更民生失寧庸者畏怠
貪者肆刑天運昭回弊極斯理文林許侯奉命戾止
傳駟未還政化大行食和沐潤咸適其情迺脩庠序
迺實常平一善不遺百廢具興睠茲公庭舊扁惟正
敞于有位猶懼弗稱筆以大篆易曰仁政煦之休之

俾民無病揭扁之初天氣晏如惠風旁暢化日朝舒
黃髮鮐背胥率以慶其慶云何懿哉賢令方寸之間
鑑空衡平利不可誘勢不可凌代虐以寬濟危以安
而今而後民用不頑道無拾遺寢不扃戶用柔不爭
亦莫予侮百里之地囿以太蘇顧我赤子受福何多
我侯聽只式燕且喜昭茲令德以保終始

五言古詩

和史信叟觀時文有感

孔孟去千載天下儒非真濂洛忽輩出月窟回天根
六經揭日月左衽知欽遵上而堯舜君下而堯舜民

車書四海一風俗醇乎醇文燄正萬文葩藻俄相因
汲汲聲利場青紫紛華身挾策等博籊浮言共譎諄
不知學為己務外勞馳神輪轅飾勿庸文脉懸絲綸
孰能假鄒律喚回冰谷春嗟哉二三子發憤親其親
行箴隨所寓慎勿求諸人

復用信叟前韻因不次以和

六經無文法三代無文人六經豈無法取法不在文
三代豈無人取文失其真所重在道德所貴唯經綸
是以千載下風俗知其醇吾生幸殊遇堯舜今身親
固當善樹立竭力培其根依文必載道道在吾當遵

無為紙上語不復關吾身先儒程與朱老語嘗周諄
胡為事進取浮藻迷原因余生固不敏久矣嗟傷神
拋詩重示傲一笑回陽春何當共激厲無愧於先民

送張路教二首

北風何栗烈木落清霜飛天高郵水寒客子話別離
三載縣博士官冷苦自縻青燈坐深夜竹屋風淒淒
齊人報及瓜喜色浮雙眉翩然告歸去浩氣不可羈
丈夫太阿劍斷玉如切泥綠塵疑古匣豈終韜光輝
縣邑聊小試才大當優為天空鴈影寒日暮煙光微
行行各自勵勿嘆功名遲

張公世業儒詩書久探討金晶瑚璉器英英多負抱
分教古句章化雨洽芹藻兩就攝仙尉罽突寂無惱
操行且貞潔理治亦復好策勲入薇垣不書中下考
青紫必俯拾富貴及未老蹇予無足觀竟作山林槁
寄語爛柯人春風長瑤草

和薛思誠韻呈程彥舉教諭二首

先公著麟經立論明非常深合聖人意一試開天荒
篤生乃諸父燁然吾道光念昔我珮觿屢登君子堂
維時令伯祖歸老髮未霜擴充我仁義飽德如發棠
芳蘭萃楚澤美玉生崑崗公今繼家學名高如德璋

言林夕集一卷 三
典教此發軔所就奚能量行看入顯要士望當弼彰
廣文到鄉校采芹水之涓木鐸始振聲尚德不尚威
遲遲剪榛棘懇懇延賓師有美薛賢良聲譽東南馳
高情足抗俗長才亦通時僉謀為招致馳翰過軒墀
一聘不肯起世情能弗離公獨俾至再為人不能為
薰陶士風美孰曰非由茲願言盍歸來講學交相資
歎乃父母邦曷不為尔思共期敦教化毋徒嘆陵夷

和元善郎中韻

秦漢久戰爭江河半流血民生悉凋瘵王澤一何竭
群雄忽競起易地作狂蠶莫延吳越間聞之耳猶熱

戍鼓日夜鳴邊笳復悲咽
昨朝縣官來征歛且屑屑
唯欲軍儲足誰問民食缺
那知當此秋人心正煩結
幸聞出天兵早為破巢穴
勝捷日有聞烽火夜不煎
終看洗甲兵黃河清可啜

和樊天民欲見訪

我家流水村相去頗幽阻
故人能我過一樽當市酤
待看新雨晴呼童開簾戶
一笑有餘歡高誼起千古

和呂嗇齋三教飲韻

我昔湖上游悵望湖中嶼
相去咫尺間一水頗脩阻
地偏禽鳥樂春靜花自吐
欲往興復闌佳期空側佇

用呂嗇齋和鄭以文望霞嶼寺韻二首

東湖烟浪濶亭亭出遙嶼公子酒興豪一葦涉險阻
豈無凌波鞵粲若芙蓉吐中流折瓊芳日暮不行佇
倚杖立湖曲夕陽明遠嶼隔水見招提游興浩難阻
輕舟蕩輕波魚吹浪花吐四望山意佳推篷吟復佇

謝廣東都元帥金子文惠物

槿籬日已曛竹窓露欲濕有客忽扣門驚見面如墨
借問來何方荅云家海窟主人金使君萬里歸故國
蒼茫問親故遣我致遠物我聞喜且慰欲覽殊未及
天暮迫催歸勞之亦倉卒入夜庭戶涼一燈妻子集

欣然共把玩羅列滿几格竹帽含風清朝鞞染霜白
女梳鶴頂殷貝錦蠻機織班班爛莫數相看重感激
小兒牽我衣問我何以得我言子讀書此亦書中出
念昔吾少年假館彭城宅其年甫十齡已酷好紙筆
默寫虞夏書一一能記憶年幾十二三足不出蘭室
蘭室金氏書院之扁詩律稍已工文藻漸能績及乎十五六銳
氣衆莫敵一朝草經義加點竟不必乃父亦嘆賞擊
鵝醉終夕我逸功亦倍愛之猶子姪春暖陪吟鞭夜
涼分講席相期掇巍科青紫可俯拾文場忽暫罷蹭
蹬無所入嶺南有舅氏十載絕消息折簡遠見招飄

飄氣橫逸渡海浪若掀看書手不釋廣庠試群士奪
取名第一問學日益隆聲聞亦洋溢結交皆貴游綉
衣日親炙涓陽且有光得之萬事畢歷歷試諸難百
戰迺百克明珠肯暫遺寵之作嬌客歸期已汗漫鄉
思轉蕭瑟所喜書問頻商舶來絡繹金帛供歲幣庶
足奉怡悅庭椿忽驚秋聞計心欲折梯航路八千寧
能憚勞役孤篷夜渡江未遑姐與戚汲汲拜墓下淚
墮輒成血慈母正倚門一見喜何劇苦恨久別離相
顧復悲泣嫂織忙下機弟聞走折屐鄰故來紛紛含
悽話離索解裝各慰賚金珠豈復惜襟懷既侔儻禮

意復周密逢人雅吳語談吐異疇昔懸知十五年朔
南皆涉歷覽勝窮蠻邦觀光遊帝關英氣振顏宗謙
光照衰俗鄉中詩老輩相見捫刮目生男有如此為
父死亦足阿兒聞我言意若尚激烈吁嗟天地間孝
誼寔懿德閭閻不讀書心昧幾欲絕若人媿天資年
少有學力拳拳能弗忘此意復誰識當看九萬鵬天
風培羽翼尚願敦夙好富貴不我易

贈張司丞

唐肆豈無馬天馬生渥洼肉駿垂白雪汗血流丹霞
朝燕暮甌越一息萬里賒世人識者稀遂令困鹽車

備途足風霜峻坂饒塵沙致遠豈不能負重將柰何
臨岐見伯樂長鳴悵何多一顧價十倍罷駑愧殊科
信乃昔暫屈光彩難滅磨國用資煮海此任須經過
終期赤墀下天路聽鳴珂黃金飾鞍轡白玉裝鞭撻
處以十二閑秣以玉山禾始知龍之媒漢武當高歌
比德有君子作詩慰蹉跎

贈陳知事如淵齋

物在寰區中其大莫如水水之所為性唯動而已矣
庸知動之中復有靜之理所靜者謂何惟淵獨能彼
淵乃水之源涵養有源委動定靜亦定風波撓不起

世有士君子性情無乃尔不物乎其物因以斯自此
一鑑湛而明不受塵與滓洞然深莫測徹底清可擬
肝膽自相照秋毫遠能視至量必至平至善必知止
汪汪陂度寬無能究涯涘利澤之所施枯槁無不被
袞袞笑衆流蹇淺僅盈尺一激翻狂瀾移時即頽靡
孰若此有本盈科進不已逝流尋其源問之那能是
派接河汾来源自洙泗始能深不能涸千載常若此
聞之良足歎世當濟其美作詩為贈言敬以美君子
贈縣監催夏稅有法得益字

秋賦尚難登夏稅何及額懿哉我賢侯才德真莫敵

居然坐泮林不動聲與色庶民如子來輸納靡朝夕
吏莫投其艱農不奪其力常賦適已平誰損亦誰益

贈朱典史

王家尚興戎軍需為至急星使來紛紛誰能處繁劇
公抱應世才臨事無難色從容簿書間措置有奇策
吏胥爭効勞不在驅與逼於民了無擾於國良有益

贈縣監分韻得辦字

我公人中英朝野久從宦金穀雖重倚出納知己慣
大府獨賢勞軍需孰能慢凌晨已駟車歸來日將晏
公餘坐深林談笑了無間錢積銅如山多真益辦

送龐司令調安慶路錄事

龐令人中豪家傳有方略傍海來作官恤孤還擊惡
煙噓萬竈青雪積千倉白奏課考居最調官恩更渥
落落紀綱掾奕奕龍舒國王孟生其民民俗殊不薄
願言敦夙好清風踵前作

送鄞博士

朔風吹長江夕陽明遠嶂孤蓬發前汀一篙破目浪
久客歸興濃柔情力未抗半祿喜已償會計適其當
人情不滿笑瑣屑奚足尚野水環學宮濃碧增新漲
采采芹政香遺愛孰能忘行看考成績榮書居上上

又與朱典史

鄞依郡之域去海僅一間十室九為商力農苦不惜
田賦卒難徵有司深所患唯公得良法不亟亦不悞
上或迫以威極口能力諫德化感人心不擾課自辦

又上縣監

為政固不易州縣良獨難民瘼非一種吏姦亦多端
自非廉能手百里豈易安我公心鏡明炯炯冰雪寒
威風凜高秋邪僻不敢干隱伏盡擿發纖毫詎能護
兇橫繩以法羸弱濟以寬夏稅苦難徵况此時多艱
昔年不得法上峻下則忼嗔呼鄉井問鞭笞皮肉頑

何暇恤貧困一視同草菅

徵糧歎

至正十七載丁酉夏六月江淮尚兵戈歲久未休息
捍敵百萬兵甲胄生蟣虱有司供饋餉費冗每匱乏
上官急誅求僚屬走折屐嗟此窮海邦田賦歲不給
巨室能幾家何如有蓄積况罹去年秋農苗半無實
民生正艱危朝來不謀夕未秋先借糧糧米從何出
吏曹倖此灾公檄出如蝶阜隸且欣然紛紛入村落
喧呼夜打門鷄犬盡驚惶恣取無不為孰忍受駭迫
願茲田野間青黃曾未接米舡久無來楮幣不堪糶

一升百青蚨杖頭何處覓督責嚴限程十室九逃匿
田萊尚多荒詎暇顧耕織隔離有隣翁頭顱白如雪
七十苦膺門一日兩遭責日暮寄衣歸斑斑血猶濕
相看重歎傷家資復誰惜負郭數畝田出鬻不論直
求售卒亦難搔首了無策新穀曾未升糶一從折十
肯為身後思且濟目前急養兵固自壯剝民無乃瘠
寄言吾父母夫何至此極所願食民者報賜當以力
須知民之糧粒粒乃脂血王事在勇往寧能坐而食
急為定禍亂車書復為一斗米價三錢重逢太平日

與邵密石索蘭

幽蘭本高潔托根岩谷間芳春吐幽葩不學桃李顏
色淡意亦古香遠心自閑我欲採為佩何時能入山
和樊天民謝金景淵環池飲

真衣有仙齋力學事遠圖豹隱青山下月旦更評譽
脫俗時俗態放懷詩酒娛軒冕未為榮有事墨與朱
文章駢鼓吹道義馨膏腴芳晨集良友亦有方外徒
沐浴堯舜澤遁逃入虛無樂事魚鳥共吟篇華藻敷
長才壓行輩陳言務滌除弼明出險語懷素可供書
逸興發清狂雄辯生廉隅安得跨黃鵠一舉絕五湖

上鄧尹許公具瞻

鳳曆頒新春御氣正八荒九重閭闔開五雲擁玉皇
玉帛獻萬國冠蓋駢侯王賢相始敷奏亟在登俊良
駕言海之東島夷多猖狂漕運國所需觸浪乃敢攘
冥頑果何由貧迫心靡常彼亦人之子牧守無龔黃
有士籍金閨令聞如珪璋粲粲珊瑚鉤楚楚芙蓉裳
家世古霞城袍笏堆滿床少年掇魏科奎壁分天章
州郡歷三仕在在存甘棠郵居東海濱群氓正惶惶
惟此庶與能庶足安厥疆宸顏喜且說揮翰鳳尾翔
來之廷春閣寵之乘乘黃恩深古所無後此亦莫當
宜公竭忠愛補荅日月光冰雪清襟懷鐵石為心腸

視政甫十日治具森以張豪強格封豕豨獮除貪狼
惻然父母懷視我重如傷雨露所沾溉顛顛回春陽
學校政之本拳拳尤弗忘恪恭致奠謁三日先齋莊
升堂誨子佩藥石鍼膏育政聲既赫奕德澤何汪洋
坐令海之邦化為鄒魯鄉豈惟士風厚民物尤繁昌
鯨生亦何幸適登君子堂念昔志學年試藝游宮墻
燈火二十秋讀書竊秕糠仰止古聖賢致君登黃唐
豈無畎畝忠委身贊巖廊蓄志竟蹉跎抱節尚激昂
兩入秋風闈分薄終乃康家貧迫親老菽水無由將
窮猿不擇木斗米棲邑庠群童走風雨荒齋剩淒涼

斯文幸未墜，獲拜提其綱。雖非杞梓材，實登匠石場。
頑鑿藉巨冶，飛躍成干將。願言廓大度，吾道為津梁。

五言律詩

題江村秋晚圖

一段江村景，瀟瀟點綴秋。林疎遙見塔，渡靜獨橫舟。
老樹煙光淡，疎籬夕照收。此中吟趣足，展對思悠悠。

題慈隱庵

高僧以慈隱，遠在石橋西。地接支郎寺，門臨孝子溪。
松風斜落徑，竹影亂侵畦。不見中巖老，荒村獨杖藜。

題畫犬

七八犬皆睡，一犬獨竚然而立。

愛爾妨姦者纏頭絳羅護家奚獨少貪困不勝多
月下夜初靜花邊春正和相忘渾自得竊食奈如何
題蘭水仙梅竹

上林春又老在野抱幽貞泣露丹心重凌波玉步輕
孤山初雪霽三徑午風清志操渾相似何妨共結盟

和韓季常記夢吟二首

客有淡然者古人鍾子期曾中無俗慮夢裏有新詩
春日紫荆樹秋風丹桂枝滿庭生意好祇與自家知
愧我栖栖者青雲未可期午沾鄰舍酒夜課客窓詩
鳳鳥飛千仞鷓鴣因一枝此懷誰與共只許故人知

和傳彥方張孟裕席上吟二首

商相有餘裔少年才思清詞翻三峽水詩壓五言城
遠戍疑烟慘寒岩帶雪明誰知曲江曲杜老尚吟行
茅屋來佳客居然氣宇清八分書古隸一字價連城
吟處奪天巧歸時遲月明還期更尊酒相與說歌行

和元善郎中五首

鄮郭二千石賢郎世絕倫宵襟春浩蕩顏采玉精神
解印追陶亮投壺勝祭遵少年能下士詩酒日相親
水館春將晚凭欄靜自吟蜂粘飛絮起魚發落花沉
濟世身無術鄰邦賊又侵臨風搔白首空負讀書心

莫厭頻相見交情惜寸陰百年看易老萬里去難尋
酒憶君同醉詩怜我共吟江湖多市道誰復是知心
公子久不出綵衣娛二親松陰三徑月草色一庭春
獨坐看書倦閑吟得句新敲門唯我輩莫怪往來頻
孝廉公乃是出處卷還舒在貴能忘勢投閑自讀書
奉親歡席上引子舞堦除向欲尋詩去東家借蹇驢

和松石齋寒食客中

王孫歸未得芳草接平蕪邊報不時有鄉書絕跡無
馬怜橋外洗猿憶洞中呼客底又寒食故鄉天一隅

和元善郎中解朝

解印歸來後雙親慰所思時危那似隱才逸豈能羈
雨暗耕村外風清釣水湄古人猶樂此孰曰我非宜

和處州柳錄事

風俗今非昔青山色自濃百年人易老一嘆世難逢
遇變時觀象驚秋夜聽蛩何人尚英氣醉筆走蛟龍

送泉州盧府判封船歸

英氣政森森青霄萬里心弟乘駉馬出叔坐玉堂吟
蠻舶功初奏閩鄉望已深誰知玉川子芳澤感于今

送徐生同師陳象賢歸剡源

羨子有高志讀書來郡庠遠遊方慕道久客又思鄉

山影臨溪動松聲帶夕涼師今亦歸去應喜共行藏
送張月卿二首

野水秋風起孤村落日清寸心江百折雙鬢雪千莖
村迥群鳥合天高獨鴈鳴題詩送歸客遠別不勝情
三年辱知己一別異雲龍梅菊交情淡尊鱸興味濃
涼風淒別袂遲水遡歸舸紅葉殘陽裏家山知幾重
送秉彝

帆影四千里天風引去舟遠從瀛海路徑上帝王州
世事不滿笑客心徒自愁綵衣歸侍母此外復何求
簡雲溪朋復心講主

郊西耕讀叟四十尚飄零不倦客千里寧甘老一經
馬嘶春草綠鶴立曉松青雲外溪流漫期君洗耳聽
簡監郡子元善公

公子脫凡俗看書百事忘晝閒風滿院夜靜月過墻
官俸香粳熟宮衣細葛涼老翁相近住時得見佳章

簡樓伯容

雨霽江城晚涼生六月秋鳥栖煙樹暝螢出水村幽
殘笛鳴鄰巷嚴更起郡樓故人何處在新月柳梢頭
過大田庵

質朴和庵主禪林此地開尋幽移竹徑趁暖分松栽

山色朝含雨溪聲夜吼雷
相看無一事留我共徘徊

呈許具瞻縣尹

叔祖惠孫降繼吾父與兄為子許以正之

愚童從母命承乏本相宜
自是同宗子殊非異姓兒
家君歸已久族弟出何遲
雙繼無通例清官必素知

戲王君祥

隔牆王氏子謙謹一良朋
酌酒全無敵圍棋近有能
閑居初學吏獨宿尚如僧
雨夜應多暇來分客舍燈

寄元善省郎

獨坐寒窓下孤懷那可舒
時官多用武我輩獨觀書
懶積詩成債愁牽病未除
灞橋風雪好相約醉騎驢

魯師得之公病後累訪不值

元戎久勿藥上馬已多時
野老頻相訪閤人屢見辞
晴窓朝臨帖雪屋夜吟詩
何日重瞻對欣然慰所思

有感

萬里悲秋客西風兩鬢寒
憂思多為國出處幾凭闌
棋奕何時了書荒未暇觀
况今愁歲旱龍卧亦何安

北門團結貝子羨

四野尚風塵民生日轉貧
誰知持戟士亦有讀書人
過客多怜我深衣不稱身
晚來歸侍母莫為點行頻

五言長律

挽撫州危德祥先生 火朴之父

先生嘗戒己筭益毋壽施藥以濟疾患伯仲孝愛雍肅一門其父龍友公潮州小江監司提舉其祖炎震公仁和令賜緋衣銀魚皆宋名儒也

名輩歸晨星先生尚典刑鄉評尊洛社家學祖韋經
朱紱皆諸父青衫竟獨醒玄成繼文彩任昉謝儀形
畢景留護草和風喚鶴鷁有懷頭易白無分眼垂青
大雅從寥邈修文亦杳冥煙銷茶竈冷雲暝藥窓局
世隔文殊古人幽德自馨迢迢千里外猶得見遺銘

上帖木烈思治書侍御史

象闕層霄上燕城北斗邊山川鍾間氣人物萃英賢
冠蓋原嘗顯門閭稷契連皇恩天蕩蕩爵賞世綿綿
公相金閨彥文章玉署仙朝儀通籍紀相業繼家傳
素履冰壺潔孤心月鑑圓明堂瞻巨冶清廟閱朱絃
點筆承奎畫分符極海堦東甌時雨濟於越福星躔
出守凡三仕辭京又十年凝旒重眷倚授鉞試蕃宣
竊發風塵息誅求法令蠲兵驕爭習射農情盡歸田
談笑延樽俎從容脫劔卷誕頒綸綺羨榮被綉衣鮮
衆喜登雄要民懷解倒懸姦邪皆擿發材器正陶甄

霜署茲焉聞星軺勿爾遷埋輪歸舊隱讀禮了殘編
競進心殊懶尋幽興已專湖晴看洗馬林晚聽鳴蟬
肯為行箴絆唯求節孝全瓶無供鶴料門有載書舡
籍籍名難隱稜稜操愈堅維時更吉制行復見高騫
邊部還多事瘡痍久未痊技窮嗟鼯鼠氣勁羨鷹鷂
早為生靈出不圖國祚延沾濡新雨露整頓舊坤乾
賤子棘塗後貧居鄧嶺巔棘闡嘗用戰芹泮尚盤旋
何力裨斯世愚忠念所天岩廊思邈邈畝意倦倦
瞻鳳誠為喜登龍幸有綠蕪詞聊紀述願作翠珉鐫

送馬易之

北極神明署南陽將相家朝儀聞素習學力復何加
外戚高攀桂難兄早探花詞翰浩滄海文彩絢朝霞
譽重公車薦才優上國誇天姿何俊邁地位入清華
食饌公厨嚮遊乘內廐駟皇息宣紫詔德澤沛黃麻
帆掛南風正針看北斗斜寸心思帝闕萬里泛仙槎
華塢金尊酒松齋石鼎茶相尋來故舊不憚走風沙
韋布嗟何及山林去漸賒大叅如見問瞻望思無涯

書林外集卷之二

七言古詩

贈雲岡總管

高岡自是青山脊，浮雲復與岡為翼。雲能舒卷無定
形，岡獨崔嵬猶古色。王侯結屋燕山陽，氣骨挺挺摩
穹蒼。靜如岡勢不可附，動與雲物俱悠揚。朝臺莫省
行，且蔽雲間載酒游。高岡黃堂畫戟，偶然爾看雲又
在千巖傍。亭亭車蓋從龍翔，下有梧桐鳴鳳凰。為山
豈止成九仞，作雨行將被八荒。玉堂學士工題品，猶
恐諸公吟未盡。淮南莫賦招隱詩，我為雲岡反招隱。

送三衢張月卿鄞庠教滿

浙江之東三衢裏素王千載有雲耳歸然傑出魯樵
公業受西山窮性理先生家與魯樵鄰私淑由來得
源委昔年筮仕游東甌糾錄虞庠士風羨近分教雨
來鄞江一洗泮林荆與杞野臬遠去不復巢黠鼠深
藏那用技高堂伐鼓講經罷書舍歸來門似水晝閒
草色滿簾櫳夜靜松濤撼窓紙冷官慣守貧不厭仙
尉暫權聊復爾供余音有党家姬言詩亦得孔庭鯉
雪深荒犬吠隔離日落寒鴉啼故壘先生獨坐悄無
言掩却竹扉深隱几齊人忽報戍及瓜邑債已償如

脫屣遺愛片香水半池歸心菊老家千里顧子風月
愧平生末學蕭條秋葉似正期夜話倒書囊那得江
頭舟更艤遠山秋淨綠分明老樹霜高紅披靡長亭
酌別何贈言薇省鑿坡徵復起

送帥掾張景孟弟以路吏歸嘉禾

着鞭蚤入桃李場渥洼千里龍駒良穿楊才藝動臺
栢一經題品佳名香四明之郡依雄藩轅門啓戟元
戎尊君家棠棣近蓮幕向陽容易培芳根胡為愔然
告歸去母也七十嘉禾住辛移祿養就慈闈忠孝兩
全吾所慕蹇余欲留不可得目送搏空九霄翼懸知

後夜重相思獨鶴一聲秋月白

送徐元芾踏槐歸杭

僕與元芾交久矣知元芾之來鄞獲呂瀛海知遇誠良馬之遇伯樂也今踏槐而歸余因託此為喻以贈庶俾他日不忘之耳

伯樂之後無良馬豐肉長駿走墀下吁嗟良馬世豈無所恨今無伯樂者伯樂知馬真何如意足不在觀其餘一為槽櫪頗擬出簡在鞭策繁其芻明時一日躡千里不重千金人競市使其伯樂苟不逢則亦駑駘而已矣元芾固乃麒麟兒少年犖犖不可羈負知

多才亦多藝不遭世眼將何為憶昨初為鄆水客俗
子紛紛誰能識向無瀛海獨知遇殆將他岐之所適
是猶良馬雜凡群田伏奴隸終其身平生所學一掃
地誰復喚醒斯文春先生邀汝歸讀書先生勉汝儒
其儒朝携謁貴庶其見莫為假館安其居明年較藝
遊郡學名居上上奇衆作固知徐君才思高亦豈不
賴先生力又如良馬有伯樂光價百倍從茲得桂子
搖香玉蟾窟天下驂騮聳毛骨更須努力騁長才虎
榜爭看名第一

送浙東左元帥

海天歲晏雪欲隨有客敲門夜訪我為言藩閩老元
戎明日歸京行已果元戎昔自繡衣起久與巖廊振
綱紀按行列郡動山嶽筆落高堂泣神鬼去年擁麾
來浙東霜天洗劒海水紅鯨鯢徙穴島嶼靜狼虎掃
跡山林空只今驅車出參井位極中天北辰並端知
蚤歲已夢松不是當年曾筮鼎我聞此語成歎息人
物如斯世艱得九重天子當有為願助冲天為羽翼

送信孚中位龍翔集慶寺

梵王宮闕皆名山金陵佳麗非塵寰龍蟠鳳翥氣磅礴樓臺縹緲烟霞間上人昔年住東海兩袖天香雲

靄靄磐陀石上迎朝暎
潮音洞口瞻神采
尋幽近復游
天童萬松逕
裏七八今筇寒泉迸
石影清淺
高崖桂月高
玲瓏抵今飛錫
凌雲表
妙高臺上
天花繞
秋風江漢動
餘思何日
留衣一傾倒

和劉德彝海棠

主人愛花如愛珠
春風庭院如畫圖
褰衣曲逕步花影
翩翩夜月飛
長裾海棠睡
起春正
美花貌
參差玉人似
主人吟賞夜不眠
直欲題詩厭蘇子

和邵彥方隱士招山行

桃源洞口山
峩峩桃源溪
暖生春波蕩
舟南行不百

里中有隱者居巖阿隱君襟懷苦好客招我共醉安
樂窩去年臨風遠作東今年對酒還成歌自言山中
足勝事謝公吟屐須經過不堪時事日擾擾春衣疊
損宮中羅謁來華羨春正和此行况復才人多作詩
席間捻李杜談仁館下皆顏軻不勞潦倒行更喜拚
取醉飲傾翻螺明日天晴入山去窮幽鳥道攀雲蘿
仙人石窓在絕頂星辰落落手可摩定須登覽了清
債紅塵馳走終如何客言賓主二文學有懷寧肯成
蹉跎

金景淵祈雨止風法術有驗

道人訟旱天上頭歸來一雨暗海陬屏翳偷安苦不
得飛廉作惡驚先少酒醒酒鮒欲起舞坐看偃禾還
成秋我家舊是作霖者見此殊覺心悠悠

餞三寶住元帥

浙江地接甌閩陞三韓蒼翠浮巍巍雄藩儼列鎮東
表中羅宰輔多臯夔瑠戈畫戟肅衛從紅英翠蕤班
容儀夙抱忠貞運元化淨掃奸宄蘇瘡痍一統昇平
天蕩蕩七郡氣象春熙熙天風忽送除書下頓使海
角生光輝手持玉節上駘馬攀轅肯許留遲遲才名
雅稱入清要佇看白簡秋霜飛甘棠在在有遺愛去

思當勒磨崖碑

庚寅二月十八日館大隱平山堂呈雲溪寺復

心講主

江南飛花作寒食一錫西來主山谷里巷相過亦何
有牧唱樵歌自朝夕雲溪老師真可人獨抱瑤琴慰
岑寂我生自愧老且鈍風逆今為退飛鷁此意何殊
唐大顛遠訪昌黎躬海窟明朝携杖虎溪來笑坐擬
分松下石

和呂嗇齋見寄韻

表樞兄弟世絕竒文五十一脉如懸絲朗兒解賦

芝陳隋唐代遺音微君今接武文場歸掀咲光輝萬
丈飛我向山中飽菰飯獨憐甘味逾蜂脾致虛守靜
分自持長謝城郭子麾犖犖不受塵俗羈曠望海
濶天無涯竭來東湖之岸隈行人傳誦喧口碑謂君
所學詣所之行將有用需明時九重端拱坐無為願
言際會風雲隨

勸學

富家有書千萬軸塵侵鼠啣無人讀貧家有子能讀
書斷簡殘編苦不足人生萬事苦參差世事那能如
所欲我來託館觀人書因欲自讀還授徒言之諄諄

聽藐藐盡之於我夫何如

祈雨有應與宋尹

鄞江春寒農事遲東臯四月苗初移陽威作難久不
雨雲霓望斷民憂危祈雩祭廟紛阡陌寂然不動吁
無策溪澗生塵井泉枯田禾盡作荒茅色賢哉師帥
天上來少年擢桂真良才平生愛民良獨苦析求不
憚衝炎埃名嶽神湫多處所跣足露顛行日午遠陪
上相扣龍宮盡御群靈留梵宇歸來扶策力自支為
民憂切還驅馳躬俯事亦蠲潔心香散作雲垂垂
風師不怒雷不鼓頓作傾盆來淒淒信知此雨在方

寸豈在師巫作群舞向非宰執身率先向非我侯心
慶慶安能此日天意曰凶年翻作為豐年誰能作亭
為志喜操筆當看有默子我來志喜先作詩留取當
年歸野史

聞海寇有作

唐虞極治州有九皇元一統古無有八蠻九夷皆入
貢宵旰相思忘已久綠林紛紛何太愚敢以蚊身為
山負朝甌暮越忽東西闖隙投奸或前後存心暴如
帛與狼殺人。不異鷄與狗男兒擄去賽江神女子擒
歸從配耦。生靈被害那可言魚鳥猶驚失淵藪。殘州

破縣盡燔劫官廩公然恣強取。今年邊報猶未寧。戎
馬蕭蕭渡江柳。人家十室九逃亡。誰復妻兒依戶牖。
犁鋤盡鑄作兵器。野草含煙沒農畝。城頭昨日點義
兵。健兒三千半耕叟。麥舟海上絕消息。六百青銖米
一斗。總戎大將天上来。斯民仰之如父母。曉當虎帳
出良籌。高築城池堅所守。天風何日掃妖氛。坐使羣
兇來授首。

米貴

去年避寇荒。農天八年捕寇無客船。江頭白米纔一
斗。索我三百青銅錢。

七言長律

喜雨三十韻

重光大荒落之歲自春而夏不雨兼月東
作幾廢郡幕有為民憂者控辭力請嗇齋
呂鍊師設壇致禱不三日甘澤霈然官吏
交慶寔五月一日也因以三十韻紀其事
仙術由來能致雨誠心所感可回天公家既盡祈禳
禮洞府宜分造化權明處浙東雖大郡鄞居海右乏
深淵每罹旱暵憂為甚況歷飢荒恐復然春後一犁
方欲勤田無勺水絕堪憐木龍謾吼江頭月秧馬猶

沉屋角烟病暍征夫心正折望霓農叟眼將穿此時
奚啻千金直民命危如一綫懸郡幕有官偏惻隱是
天無路莫夤緣遴才幾度詢諸老薦口咸推汝獨賢
閉戶固辭徒至再下車力請寢勤拳一笈丹烟求嘉
應即喜玄機妙斡旋衆覽但知唯兀元神飛誰識自
翩翩心香虎闥初無阻膏澤龍宮詎敢專蜥蜴捧符
來洞口神祇森仗立雲顛頓驚百辟爭趨事始覺群
巫乃備負電逐劍光繞動處雷轟印令未施前天瓢
乍滴終傾倒月額初開漸復連別院始看庭積雷前
村已見水行田秧針被潤青而秀菜甲分甘綠且鮮

壤畝田翁驚破塊井甃竈婢喜添泉
乾禽深羽鳴溪樹涸鮒揚鱗躍澗川
行見桑麻還鬱鬱行吟花竹正娟娟
槐邊市有新馮伎柳下塘無久繫船
已掃螟氛消毒暑漸清燕寢飽高眠
童謠爭唱昇平曲祖帳高題志喜篇
試術芻玄應斂衽論功束哲可隨肩
世人獨歎重玄秘真宰多憐一念度
往歲作霖頻復見鉅公題石久曾鐫
誰知白首當今日猶為蒼生作有年

送樓仲仁小溪巡檢

將軍詩禮舊家聲博學兼能讀武經
間出機謀超衆論挺生氣勢異凡形
世稱上客名偏重派接儒宗德

尚馨。自說俊髦生宇宙。合將忠義吞朝廷。省參晉國
真良史。聞帥桐江老客星。從騎幾朝陪紫邏。戰船萬
里駕滄溟。姚鱗共識才堪用。桑懌能教賊暫停。深入
綠林巢盡破。怒提霜劍血猶腥。西風豈嶺先歌凱。異
日燕山定勒銘。斗祿豈能酬汗馬。少年殊勝守窓螢。
江頭春草映袍綠。溪上曉山當案青。境擅四明全勝
地。人誇獨署小推廳。日高衙鼓傳虛市。夜靜譙更徹
遠汀。惡少影無過里巷。游民夢已絕場亭。烏捷力豈
莎根土。黃犬閑眠竹外扃。誰謂官卑難展布。自應親
近易歸寧。淵源儘可傳家學。讀論何妨隔坐屏。期取

勲名揚素並五年畫戟列門庭。

書林外集卷之二

書林外集卷二

十

書林外集卷之三

七言律詩

題大瀛海道院

道院在豕山爵溪其地有陶弘景丹井及仙人碁盤龍潭鶴橋之勝

十二樓臺十二闌一聲鐵笛碧雲間
龍吟海口秋濤壯鶴立溪頭春晝閒
丹井水寒桐影落碁盤石老蘚痕斑
眼前歷歷皆陳跡知有神仙幾往還

題城西書舍次韻

自笑茅簷多野意水邊栽柳翠成堆
鶴因無恙老猶

健燕若有情，貧亦來曲徑。斜穿花影入，小池低傍竹。
陰開故人有，意能相訪。細啜茶甌，當酒杯。

題心隱齋像

此貌分明寫茂翁，相知在意識心胸。事如山大猶能
決量似海寬，無不容年少風流。春月柳老來，偃蹇歲
寒松。何年鑿石銘諸墓，更述交游意萬重。

題完監郡子民瞻北岩卷

維石岩：起自燕下，民瞻望勢巍然。寒驚雪霰散飛三
月高，礙斗杓橫半天。俯視衆山俱在下，仰瞻上國遠
相連。古來此地多高隱，商後應知夢得賢。

題山野道人海上集

文章政事兩超羣，一襟懷雪裏春。海外寸心唯報國，華端萬論總憂民。非敲不避韓京兆，蕭散全疑賀季真。只恐東瀛題未徧，鳳池趣召草絲綸。

題雲溪寺

誰開廣福古招提，舊事殘碑尚不迷。客憶許詢何獨往，僧憐支遁此同栖。樹頭春暖烏啼晝，籬外晚晴雲度溪。幾處丹青鎖房院，竹風松月影高低。

題項菴

項氏僧菴世有名，老禪從此脫塵纓。門前古柏參天

立林下幽蘭滿砌生
夜月短塙連故宅
夕陽流水對孤城
我來分借讀書室
坐久不知忘俗情

題西山傳菴

新築茅菴僅數楹
翼然輪奐出林坳
溪頭春水繞籬
白門外曉山當戶
青山妓折蒼來
供佛老樵弛擔坐
聽經憑誰作賦
能招隱我欲依
岩結草亭

和郁敬脩清明見懷

憶昨韓符讀書處
相過幾度話平生
每懷舊好心如
渴一見新詩眼
獨明雲冷孤松
巢老鶴風激喬
柳弄
鷗鷺明朝遲子
幽山至杏雨初
乾步履輕

醉題半間齋

百尺朱樓勢莫攀，看一片小江山。疏簾半捲東風暖，俗客不來春晝閒。酒乍筍先自醉，衡門雖設每常閑。障牆便是紅塵境，誰信仙家在此間。

贈張性成住紫虛觀

乘槎仙客氣飄飄，布襪青鞋紫錦條。捧硯童閒歸采藥，倚門人老看栽桃。琴橫夜月星壇靜，劍舞秋風天宇高。為問蓬萊定何處，幾重樓閣隔雲濤。

贈史繼可入道

春風僊子珮珊珊，燕國家聲一夢間。阿母分桃雲外

種老師飛鳥日邊還
梅谷溪館苔三徑
楊柳池塘水一灣
自是列真游息地
蓬萊不用更躋攀

贈樊天民歸象山

白雲深處認蓬萊
千里還家亦快哉
有便故園書可寄
無情孤枕夢難猜
秋風江上鱸偏美
夜雨籬邊菊正開
一片襟期吾與共
先折柳送君回

贈半間金氏

不曳長裾謁五侯
不瀟尋共赤松遊
倚筇南隴勸農曉
剪燭西窓教子秋
湖似鏡時浮小艇
山如畫處凭危樓
悠然自得天真樂
肯為虛名誤白頭

贈安慶錄事司宣差宋德明

曾憶西湖十載前，僧心聽雨對床眠。
杜陵詩酒無虛日，賈誼文章正少年。
並秉授經神物助，病中對策聖君憐。
好將濟世胸中學，早為蒼生解倒懸。

贈史誠道寶婺軍千戶善卓書并畫許益之先生門弟

聞君袍笏繼家聲，游宦金華復四明。
百萬甲兵新將帥，三千禮樂舊書生。
畫中魚鳥天機活，筆下龍蛇世眼驚。
武畧已精文術妙，少年應許致隆平。

贈史信叟

夜涼有客過村舍，月下呼兒急煮茶。
英氣尚餘公子

態長書欲獻帝王家江山慣歷輕千里經史貪看飽
五車露坐劇談過夜半一時清興浩無涯

贈白致遠

朱門深隱曲江皋年少稜稜意氣驕爾伯埤頭磨鉄
硯阿翁唾手奪青袍風清鄞水宦情薄月冷玉山歸
興饒願我客居才咫尺往來毋惜蹇驢遙

贈余運副

使君家住孝義里遠巡煮海分浙東鯨鯢徙穴島嶼
外豺虎掃迹山林中魚跡萬里踏殘雪筆端九夏含
清風民安國昇復何事歸並嚴相論勲功

贈看山張宜之歸越

峩峩家住古霞城，約我秋來共聚螢。
兩屐半拖吳嶠雪，雙瞳全帶越山青。
指牛眠處岡殊勝，論馬跑來地更靈。
了却人間陰德事，晚成終見舉明經。

贈湖心地謙山上人

蕭然物外老謙翁，律刹高居第一峰。
江上踏翻蘆葉浪，湖邊吟動藕花風。
始知心月靜涵碧，湛性天真悟空。
每謁先祠過林下，曾邀茶話幾宵同。

送李村易郎中之閩二首

茅簷僅隔幾漁罾，五載無由識李膺。
牛渚月明船久

言林外正吳三 五
泊龍門春暖客初登三山果熟催征騎四月尊香憶
舊朋奈尔相逢又相別河梁携手復何能

七閩藩鎮一登堂星使來游意氣揚千簇樓直沽酒
市萬家燈火讀書鄉岸烟籠曉青松老園日烘晴錦
荔香去、鵬程須直上海天空闊水雲長

次韻送金子文游嶺南

子文泛學於余五年聞罷科舉廢書之廣

年少誰能阻勝遊詳親萬里獨登舟梅花庾嶺千峰
月柳葉蠻溪兩岸秋別後要須傳鴈帛歸時母待換
貂裘男兒當有四方志肯謂乘桴笑仲由

送王伯賢歸雲中二首

伯賢鄆人馮翔子婿也馮卒於鄆其婿扶喪而歸丙戌十月

家住柔乾路七千侍親游宦未經年自怜荅禡坐初
暖誰謂琴堂客已仙苦寢致哀酬半子蓬窓讀禮了
殘編歸來獨喜庭椿在笑覓斑衣色尚鮮

蘭亭遺裔晉風流一笑相逢氣即投每共攬茗動清
酌可堪津樹拂離舟山長水遠家何在琴冷堂空久
正愁別後應知重相憶帛書母吝為頻修

送嵯縣梁村誠伴讀歸京

而翁兩共湖山醉爭似阿戎今夕談十載知君似薊
北一官何日出江南讀經曾賜金蓮炬避暑行陪紫
鳳駝莫為貴游成汗漫恩袍早覓試朱藍

送鄧尹任旭承直

一官清似鄧江水釀得恩波百里餘處々弦歌成市
巷人々耕釣自村墟河陽近種花千樹彭澤新栽柳
數株明日策勲居第一九重宣詔聽新除

送僧潤玉崖歸山

南窓種竹未成陰同牒相呼下翠岑短策往來聊適
興閒雲去住本無心舟行黃葉孤村遠門掩青松一

徑深年老自應難作客正須高卧舊山林

送杜洲書院頌山長任滿

木鐸聲中天地春杜洲風俗坐還淳
遠看捧檄來千里占得閑山第一人
麾扇渡橫吟望遠讀書惟在夢
歸頻懸知別後重逢日換取恩袍柳色新

送屠近仁赴臨海教

又分化雨過鄰封老去文章學愈主
不有異才為士表何緣典教自鄉中
論堂清議唯公在吟社間情與
我同此去霞城春正好杏壇花煖播仁風

送謝德清之永嘉府史

千古永嘉賢太守舊游詩景迨今存草塘晝靜頻
思弟蓮幕春深遠見孫滿壁龍蛇行處有連床風雨
對誰論東陽瘦沈如相問謂我看書久杜門

送方元成巡檢歸里成姻慶勅問家水患為

祖焚黃

台峯明日省親去鄖嶺何時為我過紫邏將軍初發
勒錦衣公子小登科海邊潮退樓臺擁天上春濃雨
露多膝下重報家慶少年樂事奈君何

送僧日山歸寺併呈高先生

雙林開士苦耽詩百里遨遊訪故知野艇泛溪乘雪

不許房筍檻及花時白鷗飛處江偏靜丹鳳栖時山
更奇却有海邊韓文部留衣重作後來期

送柴養吾先生游四明山

春游清興已闌珊送子扁舟獨上灘諸老謾期花下
醉好山應待畫中看曉行嶂霧侵衣潤夜漱溪泉透
齒寒林壑夏涼宜避暑主人瓜熟許分餐

送台州孫子章授本州錄判辭以事親

柳染恩袍曉未乾松門歸去有餘歡自是庭闈奉親
好素來鄉里作官難沙頭蟹肥月色淡林間柑熟霜
華寒旨甘已足遂終養只恐朋舊催彈冠

送沙字丁平章孫秉彝又名長壽者寓項菴
前監生江浙宣使軍功舉鄞邑監有母七

十航海北歸丁亥五月十二日共八首

棟花風裏鰕魚肥薄宦誰知與世違客路今年親又
老皇州昨夜夢先歸九霄日月光華近萬里關河信
息稀輦下故人如問我白頭猶採北山薇

移家來住曲江湄幾度翱翔覽德輝出使慣持蘇武
節娛親曾著老萊衣主人越上開烏府季父吳中對
紫薇自是具鴻籠不得秋風萬里厭雲飛

梅林一雨曉初收公子江邊已問舟金勒馬嘶春水

渡白頭人倚夕陽樓獨怜惜別多交舊却喜同歸
揔宦遊明日江東重回首暮雲烟樹思悠悠

縣監出處合時宜雅思淵才世所稀年少掛冠歸故
里夜深扇枕奉慈闈舟行海國風初熱馬放沙堤草
正肥須記相從茶話處僧房松月掩山扉

脩天驥騁通衢氣蓋風雲孰可追真是王孫餘故
態至今官祿習朝儀酒邊與客閒看劔灯下同僧對
奕碁遊宦重來定何日尚須四海復清夷

曾憶湖山我共游飛觴夜飲不論籌堂前戲綠老萊
子海上乘槎博望侯風逐雲帆疾於鳥涼生水國湛

如秋回頭萬事滄波外銷盡客邊無限愁
公孫年少尚輕肥回首誰知世事非萬里荒烟迷故
道半江斜日照漁磯帆開雨後南風正家指天邊北
斗歸我亦乘桴浮海去沙頭白鳥故飛

去秋匹馬過東瀛皎冰姿照眼明就邑不堪為官
況侍親早覺動歸情客帆風便家非遠征戌年來
賊未平當路若逢親與舊願言攬轡一澄清

送梅伯容之吳興

水精宮裏絕炎埃六月清游亦快哉坐覺舟航天上
去吟看樓閣鏡中開鱗織笠澤鱸偏美蟻泛烏鰂何

尚醅杖屨不妨窮勝槩錦囊詩滿賦歸來

送鄭道士蒙泉之燕

蕭洒詩家老鄭虔雲孫千載學神仙抱琴始聽歸
林下飛鳥還看上日邊石室夜寒丹竈火金鑿晨擁
御爐烟鑒湖一曲如容乞約我西風理釣船

送軍掾張克誠葬親歸北

東昌客寄東瀛居竭忠盡孝人莫如討賊三年守戰
艦葬親萬里扶靈輿柳營無事更習射蓮幕得意
時觀書軍中作吏有如此臨民滿眼空襟裾

和松石舍人秋夜不寐

松石道人有書癖小齋夜坐風淒淒自怜老杜詩難
敵却笑晚唐吟更低樂道能忘公子氣娛親謾學小
兒啼明朝欲作山中隱約我尋僧過虎溪

和卓宜之客中寒食

門前五柳似淵明折柳紛紛雨乍晴隱几方酣中酒
困隔窓忽聽賣花聲身經多難愁成癖心遇相知
喜共傾客邸又過寒食節故人應識未歸情

和江亭納涼

晚來避暑水邊亭短髮蕭蕭涼思清笑摘藕花嬌
欲語細看鷗鳥淡忘情月依簷轉窺人近風逐潮來

拂面輕適意不知身坐久漁村漸見一燈明

和樊天民述懷

長裾誰肯謁公侯耿々孤懷百不憂歌枕醉眠槐影
午讀書坐待桂花秋簞瓢不改顏回樂狐貉難教季
路羞却有吟翁來海上忘機相許狎沙鷗

和別館環池

一泓繞屋巧如環面々清虛眼界寬萬慮捨隨流水
遠四窓深鎖暮雲寒青灯落影綠臨檻白髮驚心為
倚欄最好石橋人不渡游魚煦々出微瀾

和趙子和約陸氏書院觀禮不至

昔年此振書聲棧，襟人才重有成。短策東風湖上路，孤灯夜雨客邊情。宮門已遣蒼頭掃，村巷空教穉子迎。琴鶴不來春意悄，落梅無數滿山城。

和槩縣梁公輔夏夜泛東湖二首

短棹乘風湖上游，湖光一鑒湛於秋。小橋夜靜人橫笛，古渡月明僧喚舟。鴛浦藕花初過雨，漁家灯影半臨流。酒闌興盡歸來後，依舊青山遶客樓。

琴鶴曾經此地遊，蕭蕭吟鬢忽驚秋。尋山未脫謝公屐，帶月還登范蠡舟。紅藕作花侵別港，碧峰飛影墮中流。浩歌一曲賦歸去，後夜笛橫何處樓。

和表叔胡繼善述懷詩云萬論未超朱子學

廿年猶宦素王家韻

羨公才德捲無加五十駸髮半華政喜學優探聖
域肯曰官冷厭儒家夜涼庭院尊前月春暖園林
雨後蒼萬物時來當自致鵬程萬里路何賒

復用前韻勉表弟子奇

知子工夫日漸加好培實學去浮華徒聞射策多
英傑要使登瀛屬尔家蟾窟秋風催桂子龍門春浪
漲桃花承平會有登賢路年少無嫌歲月賒

和王行可早春山行

行々山徑雪初晴
暫倚吟筇憇小亭
听北冰漸微漾
綠天涯野燒漸回
青酒沽村店難成
醉香炷荒祠暫
乞靈自笑醉生塵
世裏何人能效屈原醒

和表叔胡繼善自永嘉教滿調會稽

幾年聲價動龍門
還向江湖一縱鱗
覽鏡未嫌青鬢
老彈冠初試褐袍
新謝公池館曾為客
魯叟門墻又
得人愧我謾居猶
子列桃荅浪暖尚沉淪

和不模楷上人自述

一別湖山不記年
歸來松菊尚依然
爐香夜月應虛
士華河卷風李謫仙
萬里急流甘勇退
半生滑路苦

貧緣老來未去文章習猶洒新詩遍錦箋

和徐華之秋夜舟中述懷

遙望湖山雨乍收水楓葉下艤扁舟烹雞酌酒農家
夜領鶴携琴客路秋習靜自尋籬下菊忘機閑近水
中鷗世間多少貪名者擾々風塵何日休

和莫季良過滄洲府故基有感

六十年前此勝游風光不減步瀛洲山中故老知誰
在岩畔寒雲為我留花徑雨深樵子屐柳塘陰鎖釣
翁舟我來不為前人感却念後人先淚流

和鄭尹陳借韻自述

科名抱恨負青春，謾受齏鹽一味辛。
辛苦欲吟詩，沒太瘦甘於為士任。
長負松邊拂石，何妨坐花底行杯。
不計巡曉起，山窓覽明鏡，羞看白髮一時新。

和鄞縣陳尹韻

三衢人以省太醫至此

鳳池一曲調陽春，猶說顛厓墮苦辛。
有術盧醫豈能起死無錢陶，
今不妨貧高林紅杏花，
千樹上苑黃封酒數巡。
遙憶故山歸未得，神仙碁局幾番新。

和鄰友九日見邀

刮地西風生夜涼，菊黃萸紫又重陽。
衣砧萬杵月華白，旅鴈一聲秋思長。
落帽醉餘文字好，辭官歸後

名香人生世事茫如海消得花前酒一觴

和李對易照磨帥閩夜直

多不厭酒重斟玉帳春寒客思深吟對梅花過夜
半坐看明月到天心殘燈頻剔那能曉孤枕無眠謾
擁衾便覺蓴鱸動歸興臨風拄杖復沉吟

和路掾高鵬飛

六花袞、隘江天薄曉驚寒粟滿肩渾想人間是
仙境忽看門外有瓊田村翁挈榼沽鄰酒漁父披蓑
立釣船眼底一時圖畫似不知今夕是何年

和雪韻

抄亂天花舞太空倚闌渾在畫圖中溪頭訪戴舟
初泊城下擒吳捷未通萬里人烟俱寂靜一時天地
似鴻濛興來欲草梁園賦難學枚生造句工

和春雪吟

蹇驢背上得詩回忽見園林萬樹梅門外亂山如罨
畫窓前怪石似瓊瑰半途韓愈家何在終日袁安戶
不開紅紫尋常爭媚日尚看滿目白皚皚

和蓬隱處士述懷

野客歸來鬢已蓬又看風雪過三冬沙頭白鷺寒
猶聚門外青山近更濃誰謂書囊談未了自慙詩席

坐來重學經不及歸耕好共作烟耕識字農

和元善郎中

北庭公子尚儒流喜我隣居得共游
祗隔數家無百步相違一日似三秋
孤松片石寄幽趣尊酒篇詩消
客憂便欲雲龍同結好不知勢必有忘不

和曹南吳主一東湖見贈詩

東湖風月與誰分恨我相望隔片雲
喜獲祥麟生間世絕憐老驥雜凡羣
字竒客去爭相覓詩好人驚異
所聞安得青山結茅屋春游杖屨日從君

和樵山監郡公題天井寺

言木夕集卷三 十一
訟旱靈湫意已通
新詩題徧翠微宮
要驚風雨來
潭下先走龍蛇滿
壁中年穀倍登
書大有童謠爭唱
頌元豐
斡旋造化非人力
真宰應知感寸衷

和王得淵題蜜岩

高岩飛影下寒潭
玉立群峰遠若參
旭日梅花開灼灼
晚風松葉落毵毵
溪清暗水斜通徑
山暖平林薄布嵐
古洞曾聞蜂課蜜
鄰翁幾度許分甘

書林外集卷之三